

Bona inspiratio angeli contra  
auariciam

Contra quintam temptacionem dyaboli dat angelus bonam inspirationem dicens  
O homo auerte aures tuas a mortiferis suggestionibus dyaboli quibus te irritare et in hoc re conatur. Et omnia temporalia totaliter postpone quorum memoria utique nihil salutis contemere potest. sed magnum impedimentum memorie uerborum domini ad eos qui istis adherent. Nisi quis renunciauerit omnibus que possidet non potest meus esse discipulus. Et iterum. Si quis uenit ad me et non odit patrem suum et matrem et uxorem et filios et fratres et sorores adhuc non potest meus esse discipulus. Item ad eos qui istis renunciant dicit. Et omnis qui relinquet domum uel fratres uel sorores aut patrem aut matrem aut uxorem aut filios aut agros propter nomen meum centuplum accipiet et vitam eternam possidebit. Memento etiam paupertatis christi in cruce pro te pendens. matrem dilectissimam et discipulos carissimos propter tuam salutem spontissime relinquentis. Considera etiam quod tot uiri sancti in isto contemptu rerum temporalium secuti sunt eum audituri illud. Venite be-

nedicti patris mei possidete regnum paratum uobis ab origine mundi. Inprime ergo ista tue menti et omnia transitoria tanquam uenenum a te penitus repellendo cor tuum ad uoluntariam paupertatem in te gre conuerte et sic regnum celorum ex promisso tibi debetur dicente domino. Beati pauperes spiritu quoniam ipsorum est regnum celorum atque totum deo qui tibi diuicias offeret sempiternas plenarie committe totam tuam fiduciam in eum fundens. Nota quoniam infirmus sentit se temptari per auariciam seu amorem terrenorum. consideret primo quod amor terrenorum ad eos separat quod dei amorem secludit. teste gregorio qui ait. Tanto quis a summo amore disiungitur quanto hic inferius in creaturis delectatur. Secundo consideret quod uoluntaria paupertas hominem beatificat et ad celum ducit. dicitur domino. Beati pauperes spiritu quoniam ipsorum est regnum celorum.